

ESPAINIAKO AUZITEGI NAZIONALA. Batasunaren kexu helegitea baztertu eta Garzonen erabakiak berretsi ditu

Jardueren etetea eta egoitzen ixtea berretsi du Auzitegiko Zigor Arloak

ETAk jarduten duelako, Batasunari ezarritako kautela neurriak egoki direla ebatzi du

Iñaki Uriarte | BILBO

Espainiako Auzitegi Nazionaleko Zigor Arloko Lehen atalak berretsi egin du Batasunaren jardueren etetea. Baltasar Garzon epaileak abuztuaren 26an Batasunaren ekimena bertan behera uztea, egoitzak ixtea eta kontu korrante eta webguneak zarratzea ebatzi zuen. Auto berean, besteak beste, manifestazio eta ekitaldi publikoetara deitzea ere galarazi zion, hiru urterako.

Atzo emandako autoaren bidez, Batasunak aurkeztutako kexu helegitea baztertu, eta Garzonen autoa berretsi du Siro Garcia magistratua buru duen epaimahaiak. Ebazpen horren kontra ezin daiteke helegiterik jarri, Auzitegi Konstituzionalean ez bada.

ETAk ekintza armatuak egiten diharduela eta Batasuna erakunde armatua partaide delakoan arrazoitu du epaimahaiak ebazpena. «Epaimahaiak hainbat agiri eta txosten tekniko ezagutzen ditu, zeintzuetan zantzu mailan ondorioztatzen den ETA militarren eta Batasunaren arteko sinergia eta elkarrekiko instrumentazioa ez ezik (horiei gehitu behar



DAVID AGUILAR / EFE

Ertzaintza, abuztuaren 26an, Batasunaren Gasteizko egoitzako atea apurtzen, egoitza ixteko.

zaizkie auzipean dauden beste erakunde batzuk edo etorkizunegongo direnak) lehenengoak bigarrena zuzentzen duela Batasunaren ekimenean».

Ikerketa faseak duen behin-behinekotasuna aitortu arren, epaimahaiak honako hau ondorioztatu du: «Jarduera horren garapena ez da, zantzuaren ara-

bera, ETA militarrekiko kolaborazio hutsa, erakunde armatu terroristan partaide izatea baizik». Erabaki horrek sor ditzakeen ezadostasunak deuseztatzeke zera dio: «Delituzko ekimenak egiteko helburua duen entitate batek ez ditu haren osagarri objektibo errealek sekula azaltzen ofizialki».

Erakundearen gaineko behin-behineko neurriak hartu arren, Auzitegi Nazionaleko Lehen atalak ez du baztertzeko norbanakoen jazarpena, betiere Zi-

gor Kodeak aurreikusitako delituen bat egingo balute.

Hala ere, autoan bertan azaltzen denez, «ulertu behar da hark bereganatu zuela legeztatutako neurriek eragina izan zezaketela bazkide errugabeengan edota hirugarren pertsonen hauteskunde eskubidean».

ETAren erasoaren aurrean Garzonek hartutako erabakiak neurrikoak direla ondorioztatu du Zigor Arloak. «Gauzak horrela, ez dago beste esaterik oinarritzko eskubideen kontra

NEURRIKO EBAZPENAK

«Egun ezin daitezke gehiegizkotzat jo epaitegiak hartutako neurriak, iraunkortasuna berraztertuta badaiteke ere»

erakunde armatuak egiten dituen erasoaren jarraipenaren kontra, une honetan eta prozesuaren errealitate guztiak kontuan hartuta, ezin daitezkeela gehiegizkotzat jo epaitegiak hartutako neurriak, beranduago haien iraunkortasuna ikus badaiteke ere».

Erabakia, azkar

Jone Goirizelaia abokatuaren ustez, atzoko autoak aztertu gabe utzi ditu defentsaren hainbat arrazoi. «Garzonen autoa eta frogak izaera ez duten UCIn txosten polizialak besterik ez ditu kontuan hartu». Abokatuaren aburuz, talde parlamentarioen egoera leher gutxitan ebatzi du. Guzti horrek «intseguritate juridikoa eta defentsa eskubidearen galera» dakarrela iritziz zion Goirizelaia.

Bestalde, Auzitegi Nazionalak hartu duen epe laburra, 15 egunekoa, nabarmendu zuen. Behin-behineko askatasunak aztergai dituzten beste kasu batzuk urtebete baino gehiago zain daudela oroitarazi zuen. Goirizelaia arabera, «horrek demostratzen du interesak non dauden».

Bestetik, Jose Maria Aznar, Espainiako gobernuburua pozik agertu zen Auzitegiak hartutako erabakiarekin: «Zalantza barik, oso berri ona da».

HAUTESKUNDE INKESTAK. Urriaren bukaeran eta azaroan egingen da itaunketa

Eusko Jaurlaritzak ez bezala, Nafarroako Parlamentuko inkestak bai, sartuko du Batasuna

Erredakzioa | IRUÑEA

Eusko Jaurlaritzak ez bezala, Nafarroako Parlamentuak urtero egiten duen inkesta sozio-politikoan sartu egin du Batasuna. EAEko Gobernuak taldea baztertu egin du hauteskunde inkesta bateko aukeren artean Baltasar Garzonen autoak talde politikoaren jarduna baliogabetu duela argudiatuz.

Inkestan galdegiten diren botu aukeren artean egun Parlamentuan dauden alderdi guztiak aipatzen dira: UPN, PSN, Batasuna, CDN, IUN-NEB, EA-EAJ, eta Batzarre. Horietaz gain, Aralar ere sartu da galde-

tegian. Nolanahi ere, alderdion ordezkari nagusiez itaunketa egiterakoan ez dituzte sartu Batzarre eta Aralar taldeko ordezkariak, Milagros Rubio eta Patxi Zabaleta, hurrenez hurren, nahiz eta espreski horretarako eskaera egin zuten.

Alderdietako buru bezala ondokoak ageri dira: Miguel Sanz (UPN), Juan Jose Lizarbe (PSN), Fernando Barrera (Batasuna), Felix Taberna (IUN-NEB), Juan Cruz Alli (CDN), eta Begoña Errazti (EA-EAJ).

Aurreko inkestarekin alderatzen badugu galdetegiak itaun berriak bildu ditu. Hala, herritarrei galdetzen zaie zein iritzi du-

ten Batasunaren ilegalizazio prozesuaren inguruan, Nafarroan sortu den inmigrazioaz, edota Irak eta AEBn artean sor daitkeen gerraz.

Legebiltzarrak eskatu inkesta sozio-politiko urriaren bukaeran eta azaroan egingen da. Jada jaso du Nafarroako Parlamentuko Mahaiaren oniritzia.

Joan den urteko inkesta 1.300 elkarrizketetan oinarrituz egin zuen CIES etxeak. Erregionalistek igo egiten ziren CDNren bizkar, PSNk ere gora egiten zuen, Batasunak behera eta Aralar agertzen zen. EA-EAJ eta IUN-NEB mantendu egiten ziren.